

531392

晨風閣叢書

三

東風閣叢書

一

仁廟聖政記卷之下

乙巳洪熙元年春正月壬申朔

上御奉天門朝羣臣命禮部鴻臚寺不作樂羣臣止行五拜三叩頭禮先是禮部尙書呂震請于

上曰

陛下初登大寶天下文武羣臣及海外諸國皆來朝宜受賀作樂如大朝之儀不從次日震固請之大學士楊士奇楊榮金幼孜黃淮進曰

陛下言是

上曰山陵甫畢事忍遽卽吉朕明日亦不欲出見羣臣震曰四方萬國之人遠朝

新主皆欲一觀

天顏固聖孝誠至亦宜勉徇下情

上顧士奇四人曰禮過矣對曰誠如

聖諭必欲俯徇輿情亦不宜備禮

上從之故有是命

癸酉召大學士楊士奇楊榮金幼孜黃淮諭曰爲君
以受直言爲賢爲臣以能直言爲賢不受直言則過
益增不能直言則忠不盡如昨日朝會從震所請今
悔何及賴卿等同心遂免此悔自今卿等遇朕行有
未當但直言之毋以不從爲慮各賜鈔一千貫文幣

一表裏

乙亥勅諭天下文武羣臣曰朕惟天地以生物爲德
人君以安民爲務設官分職簡賢任能所以相成其
功朕祇紹洪圖仰惟

祖宗創業守成之難夙夜惓惓體

上爲治嗣位之初蠲逋負赦有罪不急之務一切停罷
選任賢良共圖維新之治期于天下安今天下庶事
未盡理生民未盡安斯朕之責亦爾文武羣臣之責
尙思勉之咨爾文臣六卿掌國之庶務布政司受任
方隅守令典郡邑大小庶官其竭忠殫慮以安黎庶
銓選必責人賦稅必有常禮教必修明兵政必振舉
刑罰必平恕營繕必撙節凡百政令必勤審度以存

恤爲心內外相承興利除害休息以蕃其生勸課以厚其本興學勸士以正其俗以成其才必使吾民衣食充足禮讓成風匹夫匹婦咸得其所斯爲稱職咨爾武臣都督掌國之軍政都司控制一方衛所邊圉各有信地其悉力戮力以衛國家簡閱訓練必公必勤紀律部伍必嚴必肅器械必堅利城堡必脩繕糧芟儲峙必足于用巡邏瞭望必謹以備使奸宄屏迹吾民安于無事其要以撫養軍士爲本卹其飢寒念其疾苦用之萬全斯爲稱職至于風憲爲朕耳目朝政闕典吏治得失軍民利病百官有司孰賢與否悉宜廉察必使官得其人政無不舉人咸樂生斯爲稱

職夫君臣一體上下相須朕勉于脩德爾尙勵于忠
貞弼成治化以躋斯民于雍熙泰和之盛不其偉歟
朕代天子民恪存戒飾不以小人備任使不以浮費
傷財力不以刑罰先教化不以貪黷勞士卒爾尙體
于至意以稱職任惟忠足以事君惟仁足以恤人惟
勤則庶事集惟廉則公道存乃若驕滌縱恣朋比用
事貪暴掊克漁獵吾民或阿諛面從更務爲容悅庸
庸尸位無補于時黜陟之明賞罰之公典章具在爾
其欽哉

丙子陞通政使兼武英殿大學士黃淮爲少保戶部
尙書仍兼武英殿大學士加少傅兼華蓋殿大學士

金幼孜禮部尙書俱三俸並支仍掌內制陞南京通政使古朴爲南京戶部尙書南京禮部左侍郎蔚綏爲本部尙書南京大理寺左少卿湯宗爲寺卿士奇辭兵部之職不聽

贈故詹事府少詹事鄒濟謚文敏■善述謚文淵濟字汝舟餘杭人初爲縣學訓導累官平度州知州預修

太祖皇帝實錄陞禮部儀制司郎中從總兵官英國公張輔征安南掌奏記還陞廣東布政司右叅政坐事左遷吏部郎中尋擢左春坊左庶子秩滿陞詹事府少詹事未幾卒于宮爲人和易不見崖岸于物無忤

兼通老釋之學善伺

上意寵遇特厚善述字好古天台人由桂陽州學正陞國子助教擢左春坊左司直郎陞右贊善以疾卒于官爲人淳厚質實學識端正耿介恬靜不爲阿附官左春坊于文事多所啓沃至是

上追念二人贈官賜諡命有司立祠墓側歲以春秋祭之

丁丑少傅兵部尙書兼華蓋殿大學士楊士奇及少保戶部尙書兼武英殿大學士黃淮俱奏辭尙書一俸從之太子少保工部尙書兼謹身殿大學士楊榮太子少保禮部尙書兼武英殿大學士金幼孜亦各

辭尙書一俸

上曰卿等事

皇考屢經扈從勤勞多矣况

皇考賓天遠在塞外賴卿等盡力維持朕每瞻奉

几筵未嘗忘之今與三俸豈爲過多卿等其勿辭榮等
復叩首請曰臣等祇事先帝莫非職分所當爲若受
此厚祿實所不安

上曰朕非有所私所與三俸其勿固辭

戊寅封後府右都督李賢爲忠勤伯賜璽書曰爾昔
恭順天道歸我

皇祖繼奉我

皇考之命以書學侍予蚤夜惓惓小心諄切久而不懈予念爾未嘗忘今朕續承天位圖報前勞雖嘗進爾祿位而未愜朕志今特封爾爲忠勤伯食祿千一百石勅吏部賜爾誥命尙強醫藥力飲食頤養精神益膺受福以副朕眷待之意賢韃靼人舊名丑驢元末官至兵部尙書洪武中歸附賜姓名李賢以屬燕府譯文侍

上恭慎久而愈篤擢紀善

太宗皇帝靖內難以功累陞都指揮僉事

上卽位再陞後府右都督至是賢年將八十病劇

上聞而憫之遂有是命

仁
王
已卯建弘文閣先是

上諭大學士楊士奇等曰卿等各有職務朕欲必得學
行端謹老儒數人日侍燕閒備顧問可咨訪以聞士
奇等以翰林侍講王進蘇州儒士陳繼對遂命吏部
召繼至是建弘文閣于思善門作印章命翰林學士
楊溥掌閣事進佐之

上親舉印授溥曰朕用卿等于左右非止助益學問亦
欲廣知民事爲理道之助卿等如有建白卽以此封
識進來未幾繼至授翰林五經博士吏部尙書蹇義
言學錄楊敬訓導何澄皆敦實卽授敬翰林院編修
澄禮科給事中命三人皆於弘文閣與進同事云

辛巳

上諭兵部尙書李慶等曰馬資于國用甚大然嘗思之當與民同其利民有卽國家之有也漢文景時閭巷有馬千百爲羣蓋民生樂業庶物咸殖馬自蕃息先帝嘗聽民間皆出馬然有急于官馬孳息故民不暇于其私今宜寬恤之使奉公之外有餘力可以及私從容寬假之久庶幾可望民安物阜今後民間蓄官馬者令二歲納駒一匹著爲令又令大學士楊士奇等曰須以詔書行之

壬午勅禮部太常寺臣曰欽惟

皇祖太祖高皇帝受命

上天肇興

皇業

皇考太宗文皇帝中興

宗社再奠寰區

聖德神功咸配

天地易曰殷薦

上帝以配祖考朕崇敬

皇祖

皇考永惟一心今年正月十五日大祀

天地神祇奉

皇祖

皇考配神仍著典章垂範萬世如勅奉行

癸未以大祀南郊

上御奉天門文武羣臣受誓戒畢

上進分獻官諭之曰事神之道豈獨臨事之際則致誠敬要其奉天子民之心積累于平日者皆以孚達鬼神所以祭則受福朕以菲德上承

祖宗主典神天所與協恭承

天休者公卿百執事也尙體朕心敬亮天工仁恤斯民蒙福亦昭我君臣共事之美欽哉

甲申勅湖廣都指揮使司曰

皇考太宗文皇帝建大嶽太和山宮觀上以資福

祖宗下以祈福四海近命湖廣右叅議諸葛平提督巡視其免均州一千戶所軍及餘丁雜泛差役存留在州聽參議諸葛平及千戶朱彝提調遇宮觀損壞隨卽修理溝渠道路有壞亦卽整治爾等其敬承之

丙戌大祀

天地于南郊畢

上還御奉天門文武羣臣行慶成之禮頒詔中外曰朕惟君國之道事

天爲大事

天之寶恤民爲本我國家

聖聖相傳

太祖高皇帝肇基垂統弘靖萬邦

太宗文皇帝繼志守成德威廣被天下無事生民乂安
六十年于今矣是皆

祖宗功德之盛

天地祐祚之隆肆及眇躬獲承鴻業嗣位以來夙夜祇
愼上惟

天命之重下念生民之艱式嚴昭事庶臻康濟謹于本
年正月十五日恭祀

天地于南郊股肱助相羣工駿奔

三寶交悅百順介祥嘉與臣民均應慶澤一應合行事
宜條示于後一農桑衣食之本學校風化之原有司